


長白徵存錄卷五

物產

總序



周禮草人掌土化之法以物地相其宜而爲之種所以物土宜而興農業也司
詭掌憲市之禁令凡鬪囂者擾亂者出入相陵犯者皆禁之所以嚴搏戮而保
民生也國之貧富在民民之貧富在物物之盛衰在地東三省地博物饒甲於
各省而長郡孕白山之精迥鴨江之秀嘉禾異種珍禽奇獸簇簇牲牲取精用
宏固有葩經所不及載禹貢所不及詳者管子之治齊也富強冠列邦論者推
爲天下才究其牧民之策固本之謀仍兢兢於藝五穀樹桑麻育六畜備瓜瓠
葷菜竭天地自然之利儲國家於不涸之源以是知動物植物相生相長於山
林之間舍之則爲害取之則爲利其有關於國計民生者至繁且備也列物產
門

淡泊花 花容雅淡似黃似白五瓣叢生微有幽香根深尺許莖細如針花謝後即爲衆草所沒隱約難窺矣

紫囊 草本叢生葉大而尖花色紫而中空如囊大如雞卵微有皺文上有口口上有一瓣倒覆口旁復列兩小瓣如牙花心吐一蕊如舌纍纍下垂耐久無香又一種開花如豇豆殼形亦似之

青袋 花形長方中空如袋每莖數花大如拇指最嬌嫩折之則槁根短小而莖高二三尺亦草本之奇品也

野丁香 長地多丁香酷類丁香而香味稍薄由於天然故名曰野

山梨花 卽杜梨結實入果品花白而香多生山畔但枝幹短小未見高大成材者

芍藥 葉似牡丹而狹長開花有紅黃紫數色劉攽芍藥譜云花之紅葉黃腰者號金帶圍崔豹古今注云芍藥有二種有草芍藥木芍藥按本境野生草本花

單薄而色多粉白仲夏始開抑遼東地氣使然耳

玫瑰 灌生細葉莖紫色多刺花類薔而色淡紫青橐黃蕊嬌豔芬芳花謝後結實如海棠果皮薄子多味甘稍澁按本境野生質味雖不及內地美山陽水淀在在多有如採取以製糖製油製胰皂之屬亦當居出產之一紛紛墮地長人無撥取者惜哉

山丹花 一名紅百合卽百合之類也但其根體小而瓣少味不甚純其葉長尖頗似柳葉開紅花六出無香按羣芳譜云百合有三種苗高三尺幹粗如箭葉生四面如雞距開白花長五寸許六出四垂其根如蒜瓣而味甘膩者百合也一種幹高四五尺開紅花帶黃上有黑斑點花瓣反捲葉形長尖根亦似百合而不堪食用者名爲卷丹與本草所載山丹一種相類本境所出長人呼爲百合亦取其色相耳

步步登高花 花如雞爪色紅而豔葉長尖旁有鋸齒莖長尺許則開花花謝後

莖由花心復出稍高則開花仍舊花萎莖生莖長花放待莖高數尺而花亦續開五六層矣至秋則結子如芥以此命名亦從俗之稱也

草類

烏拉草 蓬勃叢生高二三尺有筋無節異常綿軟凡穿烏拉鞋者將草錘熟墊藉其內冬夏溫涼得當故諺語云關東有三寶人襪貂皮烏拉草其功用與棉絮同土人珍重之遼東一帶率產此草出自白山左近者尤佳

安春香 莖高尺許葉似柳葉供香可供祭祀俗呼安息香生山岩潔淨處產長白山上者尤異

七里香 枝葉似安春香惟葉大而厚生於長白山上別處無所見

倒根草 白山左近溝渠中有草紅色根浮水上葉扁而長在水下名倒根草長

人謂性溫行血分治紅白痢並一切吐瀉等症此草尙待研究未敢列入藥品

松香草 味香研爲末配做香料可敵藏香之味產東山一帶烏扯總管每年照

例入貢

通煙袋草 節細而長性綿而直吸煙草者藉以通袋管故名長人名爲通煙袋

草

動物類

鳥族

鴻 即鴈也以其多集江渚故曰鴻鴻字從江從鳥詩疏云小曰鴈大曰鴻鴻者大也狀似鵝而羽翮疏長善飛遍身漆黑如烏漢唐書載有五色鴈今則罕見之按師曠禽經鴟鵂張華注云皆音鴈冬則適南集於水干故字從干春則向北集於山岸故字從岸鴈爲陽鳥冬南翔夏北徂皆從陽也故孳育於北而終年飛振不休古人象以爲媒禮敦奠鴈今則否

鵠 鵠鳴聲皓皓故謂之鵠大於鴈羽毛白澤其翔極高所謂鵠不浴而白一舉千里者是也李時珍曰有黃鵠丹鵠出遼東及湖海江漢之間釋名謂鵠爲天

鵞天者亦大之義也

鷹 鷹以膺擊故謂之鷹其頂有毛角故又名角鷹性爽猛故又名鷓鳩禽經云小而鷲者皆曰隼大而鷲者皆曰鳩爾雅翼云在北為鷹在南為鷓一云大為鷹小為鷓梵書謂之嘶那夜李時珍曰鷹出遼東者為上等北方及東北者次之北人取雛豢養南人媒取其大者用以圍獵擊兔屬其毛色蒼黑嘴爪皆如利鈎飛揚神速所至披靡莫能當其鋒焉

鵬 鵬似鷹而畧大尾長翅短悍戾異常空際盤旋無微不覩能搏鴻鵠犬豕之屬人莫可馴致之時亦弋獲用羽製扇長白山谷中往往有之春秋則翱翔騰擊冬則伏

鷓 即詩所謂鷓也其聲叱咤故謂之鷓似鷹而稍小尾如舵善高翔捕雀而食爾雅謂之茅鷓俗呼老鷓

鴉 鴉與鷓二物也周公合而詠之後人遂以鴉鷓為一鳥誤矣按鴉即梟貓眼

狗臉毛色黃雜狀如母雞而小晝不見物夜則飛行捕鼠雀食性狠惡生而食其母鳴聲格格如笑不祥鳥也古人於夏至殛之故其字從鳥從木首在木上取見則殺之之義

鸚 鸚狀可愕故謂之鸚亦鸚類也李時珍曰鸚土黃色深目好峙雄雌相得交則雙翔別則異處能翱翔水上捕魚食江表人呼爲食魚鷹亦啖蛇詩云雎鳩即此并言其視睢健故謂之雎長白江洲間多有此鳥

鶯 嘴尖眉黑爪色紅青遍身黃如甘草羽及尾有黑毛相間拂柳穿花鳴聲圓滑本草云冬月則鶯藏蟄入田塘中以泥自裹如卵至春始出荊州志云農人冬月於田中掘二三尺得土堅圓如卵破之則鳥在焉無復羽毛春始生羽破土而出故鶯身之味頗臭曰蒼庚曰商庚曰鶯黃曰離黃曰鷓鴣曰鷓庚曰黃栗留曰楚雀曰黃袍曰搏黍曰黃鳥曰黃鸝皆鶯之名稱也長屬地寒節候較內省爲遲此鳥發聲最晚

燕 釋名乙鳥乙者其鳴自呼也說文元鳥元其色也大如雀而身長籥口豐頷布翅歧尾鳴聲上下飛舞不停營巢避戊巳日能知休咎春社來秋社去其來也脚泥巢於屋宇之下其去也隱身蟄於窟穴之中或謂其秋後即渡海謬甚長屬之燕仲夏始見節候使然

烏 烏家篆文象形即鴉也一作鷓禽經云鴉聲啞啞故謂之鷓此鳥初生母哺六十日長則反哺六十日故有慈鳥孝鳥之稱李時珍曰烏有四種身黑嘴小反哺者慈鳥也似慈鳥而嘴大腹下白不反哺者鴉鳥也似鴉鳥而大白項者燕鳥也似鴉鳥而小赤嘴穴居者山鳥也按烏種色稍殊性皆貪鷙鳴聲哽咽不朗暢故人多惡之長地之烏較內地爲稀地寒故也

鵲 鳴聲喞喞故謂之鵲一名飛駁鳥一名喜鵲一名乾鵲其色駁雜故曰駁靈能報喜故曰喜鵲性惡溼故曰乾鵲大如烏而長尾尖嘴黑爪白腹背含有綠毛相間上下飛鳴以音感而孕至秋初則毛毳頭禿俗云牛女會於七夕用鵲

滇河漢之橋其說荒誕蓋鵠經暑熱而後毛有鼎革故耳

翠鳥 大如燕喙尖而長足紅而短背毛翠色翅尾黑色亦有斑白者俱能水上取魚釋名謂水狗魚狗禽經謂魚師翠碧鳥蓋謂此鳥能害魚故以此類命名李時珍曰處處水涯有之亦翡翠鳥之類也長屬瀕江所產翠鳥其文彩亦斐然可愛

雀 短尾小鳥也字從小從佳佳音錐解作短尾釋名謂瓦雀賓雀蓋以雀息簷瓦之間如賓客然俗呼老而斑者爲麻雀小而黃者爲黃雀其性最淫卵生羣飛田間於禾稼熟時爲害尤甚

野雞 釋名即雉也漢呂后名雉高祖改雉爲野雞其實雞類也直飛若矢一往而墮故字從矢斑色繡翼雄者文采而尾長雌者文暗而尾短故尙書謂之華虫曲禮謂之疏趾長地野雞極多獵取烹食味嫩而美冬令尙可售之他方雞 雞者稽也能稽時也卵生短羽不能高飛雄者感時而鳴雌者應時而卵至

於老雞人言者牝雞雄鳴者雄雞生卵者乃賦氣不正本草謂其忌有毒不可用以入藥馬志曰入藥取朝鮮者最良李時珍曰雞類甚多五方所產大小形色往往亦異朝鮮一種長尾雞尾長三四尺遼陽一種食雞一種角雞味俱肥美南越一種長鳴雞晝夜啼叫南海一種食雞潮至即鳴蜀中一種鶻雞楚中一種儉雞並高三四尺江南一種矮雞脚僅二寸許也長白雞亦無異屬境韓僑雖多未見蓄長尾雞者

鳴 釋名即鷺也其鳴呶呶故曰鴨舒而不疾故又名舒鷺似鷄而大翅短尾禿不能飛雄者綠頭文翅雌者黃斑色亦有純黑純白者又有白而烏骨性質本喜水能游泳水中捕魚蝦食雌者生卵較雞卵爲大長屬瀕江蓄鴨者無多蓋此物盛產於南省云

鳧 釋名野鴨詩疏謂野鷺沈鳧即俗呼水鴨是也短羽高飛江海湖泊中皆有之似鴨而小雜青白色背上有文短喙長尾卑脚紅掌水鳥之謹愿者也此物

喜暖盛產於南省長境雖地瀕鴨綠間而有之

獸族

牛 牛在蓄屬土有坤道焉性柔緩多力歧蹄而戴角鼻大可穿說文云其耳聾其聽以鼻其齒有下無上食物則利用其舌長白畜類牛占多數且有用韓產者耕田運物最爲得宜

馬 說文云馬怒也武也其字體象頭尾四足之形色類甚多以出雲中者爲上本境馬多弱劣高麗所產之馬尤小未能駕車任重韓僑用以騎載類中土川省所產云

騾 騾大於驢而健於馬其力在腰股後有鎖骨故不孳育說文云驢父馬母性純陰本草謂騾有五種牡驢交馬而生者騾也牡馬交驢而生者爲馱馱牡驢交牛而生者爲駝駝牡牛交驢而生者爲驢駝牡牛交馬而生者爲馱驢今則通呼爲騾云

驢 驢臚也力在臚也長頰廣額碟耳修尾夜鳴應更性善馱負有褐白黑三色

正字通云女真遼東地出野驢似驢而色駁尾長人恆食之今罕見

豬 豬在卦屬坎以性趨下而喜污穢也骨細筋多皮肉肥厚牡曰牙牝曰彘蠢

蠢無知祇供食品近人講生理學者用顯微鏡察其肉含有寄生蟲最多食之

無節損人脾胃本鏡畜豬往往成羣其種與關內稍異有頭蹄白色者耳小而

體亦不大罕過百斤味薄寡脂蓋因牧以草芻故耳

羊 羊詳也字體象頭角尾足之形性柔順芻食喜羣肉味羶而溫補皮毛之用

甚廣長地牧羊之家不及畜豬十分之一云

犬 犬高四尺曰獒多毛曰尨爾雅注云田犬善獵家犬善守長人多畜犬有用

其者皮製衣褥禦寒

貓 釋名家狸也鳴聲苗茅故曰貓有黃黑白雜各色狸身而虎面長尾而細齒

其眼睛按時輪轉作圓形橢圓形直線形光閃灼可畏體最輕便善捕鼠喜肉

食乃小獸中之貪黠者長境畜貓者頗多以長地多鼠兼可避蛇云

虎 說文虎百獸之君也風俗通謂虎乃陽物百獸之長按虎狀如貓大如牛黃質而黑章鋸牙而鈎爪鬚健而尖舌長大倒生芒刺目光若電吼聲如雷風從而生百獸震恐易卦通驗云立秋虎始嘯仲冬虎始交或曰月暈時乃交又云虎不再交孕七月而生子白山一帶產虎爲多據日本調查謂與孟加拉地方之虎同種自頭至尾長九尺餘獵者以其皮骨輸出遠方頗獲厚資云

豹 本草引禽蟲述云虎生三子一爲豹按豹似虎而畧小俗謂能食虎蓋其性暴敢與虎鬪也毛赤黃間有黑色其文尖長如艾葉者曰艾葉豹有黃文如線者曰金線豹冬至後黑斑內生有黃毛外圓而中空如錢者曰金錢豹其皮質稍薄不及虎之美長人終歲獵獲之數與虎等惟價值次之

熊 熊大如豕而猛慤多力虎亦畏之遇人立而搏噬故俗謂之人熊豎目黃睛睫毛遮蔽如不見物土人因名黑瞎子龐然蠢物重可千觔然升樹攀巖

異常輕捷冬時蟄伏樹孔中不出覓食饑則舐其掌俟春暖則橫出攫搏喜食
松子蜂蜜及含有甜質之物土人於禾稼成熟時苦熊爲甚蓋熊性貪殘而褊
急羣入蜀黍田中意揚揚在吞盡而止以左右爪互相攫取挾於腋下然伸臂
物墮則不計也自謂滿載而出顧所獲者僅三五因而憤怒復入田間連茹拔
茅肆行踐踏折落一空害何可堪態之愚於此可見按熊胆入藥最良有銅胆
鐵胆之分熊掌味最美居八珍之一其皮革厚獵戶見之未敢輕於一發云

熊 類熊皮色微黃陸璣謂熊爲黃熊是矣頭長脚高動作一與熊同或云熊即
熊之雄長白熊多而熊少

鹿 釋名即斑龍按乾寧記云鹿與游龍相戲必生異角則鹿之稱龍或以此歟
馬身羊尾長項高脚性淫而樂羣食則相呼行則同旅居則環角外向臥則口
朝尾閭喜食龜能別良草清潔自愛不與惡畜伍埤雅所謂仙獸者是也其貴
在角本草云牡者有角夏至則解大如小馬黃質白斑俗稱馬鹿牝者無角小

而無斑毛雜黃白色俗稱麀鹿孕六月而生子今人謂黃色白斑爲梅花鹿其茸角最佳色蒼無斑者爲馬鹿其茸角次之統以近夏至日獲之爲良至於鹿胎鹿尾鹿鞭均入藥品爲用甚廣長白獵戶歲入以此爲大宗計終所獲牝牡價值約四千餘金

麋 鹿屬也本草云麋似鹿而色青黑大如小牛肉蹄目下有二竅爲夜目南方淮海邊最多千百爲羣牡者有角十月取之鹿喜山而屬陽故夏至解角麋喜澤而屬陰故冬至解角按日本調查謂滿洲出麋本境獵戶則不知有十月取之說

豺 埤雅云豺柴也俗稱體瘦如豺是矣其形似狗而色頗白長尾細體前後高毛象鬣鬣健猛多力食小獸並喜食羊其肉腥臭不可食皮質薄無甚用處狼 釋名稱毛狗謂其毛色如狗也銳頭尖喙白額駢脇高前廣後腰細而小性最貪喜肉食皮厚毛長可作禦寒之物惟產虎豹之區狼則遠避故長人所獵

歲值不過數百餘金

麋 釋名即麇也本草蘇頌曰麋類甚多麇乃總名有有牙者有無牙者有牙出口外者均不傷人秋冬居山春夏居澤似鹿而小無角黃黑色皮細軟勝於鹿皮或曰麋亦有香如栗子能治惡疾李時珍曰麋無香有香者麇也謂麋有香誤矣

麝 麝之香氣遠射故謂之麝其形似麇而小黑色常食栢葉又噉蛇蝎其香在陰莖前皮內別有膜袋裹之或謂其香在皮或謂其香在臍長白所獲歲值無幾蓋麝以南省西地爲良長產無多其香亦次

野豬 形如家猪然肥大可千觔牙長出口外性慤力猛羣行覓食獵人惟敢擊其最後者後者殪則前者趨行不顧若擊其在前者則羣相散搏以傷人其肉色微赤味勝家猪牝者尤美皮革亦堅厚爲用甚廣

山羊 釋名即野羊圖經謂獐羊其角有節殊疏大不入藥品有謂山羊爲羚羊

者按羚羊之貴在角山羊之貴在血本草謂其角有卦痕者爲羚羊無者爲山羊李時珍曰山羊有二種一種大角盤環體重至百斤一種角細者謂之荳羊本境山羊較家羊爲大其血最熱有散淤止痛滋陰補血之功用近今價值頗昂惟長屬所產無多獵者所得歲值約三四百金蓋山羊以滇蜀粵產爲良遼產惟銷本省

獾 釋名狗獾蜀人謂之天狗穴土而居形如家狗而脚短食果實草子之屬肥大多脂其脂油能療治燒瘡肉亦甘美皮質脆而光澤有用作褥者然煖度則少差焉

獺 獺狀如犬頸長似馬四足俱短頭與尾皆褐色若紫帛然大者自頭至尾長三尺餘有山獺水獺海獺數種正字通云山獺性淫毒山中有此牝獸皆避去又海獺生海中毛入水不濡李時珍云今人取其毛爲風領亞於貂水獺生溪邊食魚居水中亦休木上王氏字說云水獺於正月十月兩祭魚一說謂獺取

魚以祭天也皆報本反始之意長白所產無多有山獺水獺否之分二種均不多覩

麇 一作麇說文云麇屬麇大鹿也按麇形似鹿而無角毛色蒼黃皮可障潮溼肉味平甘可作脯亦野味之一也

貂 許慎說文云貂鼠尾大而黃黑出零丁國即今遼東高麗諸地其鼠大如獺而尾粗如狐毛深寸許用皮為裘帽風領等物最能禦寒遇風更煖著雪即消入水不濡本草謂塵沙眯目以裘袖拭之即出誠毛革中之奇品也白山左近森林蔭翳產貂尤佳有黑色赤鮮褐色數種以毛皮之濃淡分價值之高低且亦因其居處異其毛色按產於松杉之林者毛帶黑色品格最貴棲於白楊之林者色稍鮮明而品格次之產落葉松及五葉松之林者毛皮極鮮明而品格為下其次於貂鼠而毛皮亦重貴者為栗鼠然類貂惟多見者能辨之釋名謂貂鼠即栗鼠爾雅翼注謂貂鼠即松狗均係籠侗言之尙未辨及纖微云

灰鼠 似鼠而尾大毛長色如土灰製裘甚輕然煖不及狐生山谷中羣出覓食
鷲鳥悍獸往往見而搏噬焉長屬甚產此種惟皮質較吉江兩省少遜云

狐 尖鼻大尾後腿長而行速腋毛純白謂之狐白皮毛製裘輕煖故世尙狐裘
云

狸 釋名謂野貓穴居獮伏之獸也黃質黑斑毛甚脆嫩其肉味臭食蟲鼠及草
根以其狀類虎故俗稱虎狸是矣

猯狽 猯屬而體小如貓臉如狗嘴尖似狐毛色微黃含有白針極其滑澤較
狐皮尤佳產於三姓爲多長白間或有之

兔 篆文象形一云吐而生子故曰兔有蒼白黑各色大如狸然皮毛質脆可製
筆用以禦寒不甚堅緻也

山狗 身長尺餘毛色黃者最夥形類小犬行則成羣足捷善走山獸皆畏之每
遇獸則一呼嗥皆至圍而食之須臾食盡餘則埋之土人喚爲山砲手亦曰豺

狼狗子長郡左近最多

鱗介族

鯉 鱗有文理故曰鯉無大小皆三十六鱗色鮮味美爲諸魚之冠長白地瀕鴨綠魚類甚夥所產之鯉不及內省爲多

魴 釋名謂鰠魚小頭縮項高脊闊腹扁身細鱗其色青白腹內有肪味最美肪音房脂也肥也按鴨綠江中肥而美者爲魴魚

鯽 埤雅云鯽魚旅行以相即也形似小鯉色黑而體促腹大而脊隆大者祇至三四斤喜偎泥不食雜物其肉美厚補人脾胃

鱖 釋名謂即鱣魚好羣行相與也頭小形扁細鱗肥腹其色最白失水易死故亦謂之弱魚

鱮 魚之庸常以供饌食者漢鄭康成作溶魚味溶淡故也其目旁有骨名乙骨禮記云食魚去乙即指鱮魚而言或謂海上鱮魚其臭如尸海人食之是或別

有一種歟

鰕 一名水豚本草李時珍曰鰕蹶也其體不能屈曲如僵蹶鰕文斑如織花之
麪味如豚故名水豚春時食之最肥美

鱧 本草李時珍曰鱧首有七星夜朝北斗有自然之禮故曰鱧能蛇交性至難
死猶有蛇性也形長體圓頭尾相等細鱗黑色有斑點有舌有齒形狀可憎南
人有珍之者北人惡絕不常食道家指爲水厭土人所謂七星魚是也

鰻鱧 釋名謂白鰻本草綱目謂蛇魚乾者爲風鰻按此魚有雄無雌以影漫於
鱧魚其子附於鱧鬐而生故許氏說文謂鱧與鱧同其漫於鱧而生者曰蛇曰
鰻象形也而究非鰻魚也

鰻 釋名黃鮠腹黃故也形似鰻鱧而細長亦似蛇而無鱗鵬綠江中有青黃二
色青質黑章體多涎沫色雖惡而味殊美又有一種蛇變者名蛇鰻有毒害人
用者當細審之

鱮 本草李時珍曰鱮生江湖中體圓厚而長似鰻魚而腹稍起扁額長喙口在額下細鱗腹白背微黃色亦能噉魚大者二三十斤按長郡多韓僑韓人所售之魚多類此但無甚大者

鱒 說文赤目魚也孫炎云鱒好獨行故字從尊身圓而長赤脈貫瞳青質赤章好食螺蚌善於遁網土人云鴨綠江中有紅目魚然魚肆陳列多模糊莫辨按其體則似有鱒魚云

青魚 本草李時珍曰青亦作鯖大者名鱣魚生江湖間南方多有北地時或有之身長而色青其頭中枕骨疏落而堅硬南人有用作梳篦者

蛤蚧 形如螃蟹前爪甚長尾短而細如蝎虎狀味美可食

蜜蜂 蜂尾垂鋒故謂之蜂蜜蜂之鋒不甚毒長股短翅飛聲作響冬居穴中春出採花蕊甜質以釀蜜作用甚宏遼東產蜜盛行內省長境山巖林木間往往有之土人如能加意收養當更繁衍而獲厚資焉

蚊 一作蠹從昏從虫以虫之昏時出現者說文云蚊長吻如針嚙人飛蟲也本境蚊蟲較關內爲大土人呼爲小咬喙最毒所嚙之處肌膚高腫數月不消故人多燃樺油以防之

蛇 紆行蜿蜒色類甚夥爾雅翼云蛇草居常飢飽食則脫殼埤雅云蛇以眼聽本境蛇多黑色叢林中有大至丈餘圍可盈尺者草甸岡坡在在多有冬蟄春出毒惡爲甚

蠍 說文云蠍尾虫也葛洪云蠍前爲螯後爲蠆按蠍尾垂芒其毒在尾遼地嚴寒此物少生不如內地爲多

蛺蝶 美鬚大翅葉紛飛有媒介諸花之用博物志云蝶之發生分三期第一期從卵孵化第二期成蛹第三期成虫一名蝴蝶有草蝶水蝶之分長境當仲夏之交山岩多花蝶亦繁盛種色之佳不減內地亦邊荒特色也

礦產類

礦與礪同周禮卅人註卅之言礦也金玉未成器曰礪礪古文亦作卅說文銅鐵礪石也黃帝時以鑄爲開虞夏因之而重穀不重金至周始設專官寓取於禁利在民守在官頗得理財之要秦漢以後官家棄之於地惟元魏時稍事經營而置採伐之善法明則疲於礦稅

國初乃視爲厲禁而外洋侵占之謀遂因之而起礪產之盛以東省爲最東省以黑省爲最吉林次之奉天尤次之如東山一帶河金沙金綫金銀鐵煤石硫磺各礦皆有之矣惟聞淘金者於溪谷中掘地七八尺至丈許挖出金苗篩於木板上由上流漑以水沙之汰之俗所謂河裏淘金者是也計每日所得之利不敷一日之花費銀鐵煤石亦如之以故開採者甚少茲特就長郡及安撫屬地所產各礦分記如左

金

長屬梨樹溝十二道溝及十九道溝均產砂金撫屬石頭河萬里河產河金安

屬娘娘庫河亦產河金較砂金頗富

銀

撫屬雙溝子產銀未經開採苗質厚薄不得而知

煤

東山民人以木代炭現木權外溢生齒加繁非煤礦不足以濟窮郡署西萬寶岡左近查有煤礦擬派人開採而無識者

硫磺

署西南十里許有溫泉溫泉即硫磺也水色黃近泉處硫磺之氣撲人其發源處有硫磺礦已可概見

石

署東五里許大馬鹿溝產五色石光潤異常相傳十數年前開採者甚夥旋改禁止並將所掘之窖次第填平今年又派人掘採間有一二溫潤光澤者鐫章

篆字足供玩覽亦文房佳品也

附錄石礦記

馬鹿岩石礦記

宣統元年設長白府治於鴨綠江之右地有古塔座因名塔甸北距長白山二百七十里郡東五里許有馬鹿岩產石礦地僻處居人無採取者是年秋七月署內僚屬閒游岩下拾一二小方石視之瑩然磋爲章堅而麗往視之則碎石縱橫檢其色紋美者囊之而歸挈之摩之雕之篆之斑駁陸離可珍可玩按金石家稱絕佳者曰燈光凍此石自前代已稀近更無聞焉又雞冠昌化其真大紅色者殊不多覲降格以求則曰青田青田中有映雪凍者誠希世珍至雜色晶瑩秀潤之品賞鑒家亦爲心醉今鹿岩之石晶瑩秀潤雕而爲章使人愛不忍釋豈數千百年山川之蘊蓄天地之精華必待人而發耶自秋及冬四閱月磨而成章者共百餘方搜奇質於荒山窮谷間而物華之顯豁呈露亦有時數

存乎其間耶 豐鎬之鄉地老天荒五金之美甲於全球顧安得瑰琦磊落
之人出而搜索之品題之甄陶鼓鑄蔚爲國華斯固守邊者所頂祝以待也夫
石礦猶其微焉者耳是爲記

長
白
徵
有
錄

長白徵存錄卷六

藥品

序

醫昔軒轅氏嘗百草製醫藥咨岐伯俞跗作內經究息脈民氣大和草木之精
與生人之性實相貫注以故本草一篇藥性一賦蒐羅致遠古有尋常藥石編列
藥品一類緣府治左瀕鴨綠北控龍岡山水鍾靈芬芳吐蕊劇赤箭於雲根探
驪珠於水底杏林妙品因董奉而益珍橘井香泉非蘇耽其誰掬推而至丹砂
玉札待用無遺牛溲馬勃收藏不棄木石爲伍鹿豕同游青囊一肩拾遺於博
物舊志紫書三卷附載於鄉土新篇皆有益於衛生尙待研於哲學

世
自
律
有
金

藥品目錄

草部

黃耆

人蔘

蔘條

蔘鬚

人蔘子

貝母

沙蔘

桔梗

薺芫

薄荷

黃精

萎蕤

蒼朮

貫衆

淫羊藿

紫草附茸

防風

獨活

天麻

赤箭

還筒子

升麻

苦蔘

龍膽草

細辛

白薇

赤芍藥

澤蘭葉

益母草

茺蔚子

夏枯草

漏蘆

木賊

馬蘭花

紫菀

女菀

地膚子

紫蘇

車前子

扁蓄

蒲公英

紫花地丁

柴胡

牛蒡子

蒼耳子

菟絲子

五味子

馬兜鈴

金銀花

木通

卷柏

馬勃

遼黨參

牽牛子

香青蒿

藜蘆

瞿麥

木部

黃蘗

枸杞子

天精草

地骨皮

蔓荊子

安息香

果部

松子

榛子

山檀

山核桃

穀菜部

蕎麥

山百合

山丹

蘆

蔓菁子

薺菰草

木耳

金石部

金

銀

浮石

鳥獸部

雉

虎

虎骨

附肉血肚腎膽睛鼻牙爪皮鬚屎尿中骨油魄

豹

豹骨

附肉脂鼻

熊

熊掌

附肉脂腦膽髓血骨

鹿

鹿茸

附角齒骨肉脂髓腦精血膽腦皮糞胎乳餅脛骨

麋

附茸角

麞

麝香

野豬

山羊血

狐

貉

獾

豺

狼

兔

明月砂

獺

獼猴

貂鼠

獺附肝

鱗介昆蟲部

蛇脫

真珠

蜂蜜

黃蠟

草部

黃耆

綱目名黃耆本經名戴糝藥性論名王孫李氏時珍曰耆者長也爲補藥之長俗通作芪本草集解根長二三尺獨莖叢生枝幹去土二三寸其葉扶疎作羊齒狀如蒺藜苗時珍謂黃耆葉似槐葉而微尖小如蒺藜葉而闊大青白色開黃紫花大如槐花結小尖角長寸許根長二三尺餘以緊實如箭幹而綿者良出綿上及泉鄉者爲上惟土黃耆味苦而堅不適於用性甘溫補中用灸達表用生深秋初冬采根陰乾亦有仲春采者長屬每歲所產足售遠方

人蔘

古本作薺別錄名神草名土精廣雅名地精時珍曰人薺年深浸漸長成根如人形者有神故謂之人蔘集解人蔘生上黨山谷及遼東仲春初夏中秋采根竹刀刮暴乾勿令見風根如人形者良人蔘讚云三椹五葉背陽向陰人來求

我椴樹相尋椴樹似桐甚大蔭廣則蓼生初生小者三四寸許一椴五葉始生有三葉者四五年後生兩椴五葉未有花莖至十年後生三椴年深者四椴各五葉中心生莖俗名百尺杵三月四月有花細小如粟蕊如絲紫白色秋後結子或七八枚如大豆生青熟紅自落亦可收子於十月下種如種菜法高麗蓼者居多來中土互市江淮間亦產土人蓼味極甘美力不足與遼蓼敵遼蓼以種黃白而潤紋質緊實者佳偽造者沙蓼薺芫桔梗根亦足亂真其似人形者尤多贗偽真者生甘苦微涼熟甘溫大補肺中元氣能回生氣於無何有之鄉偽者誤用流毒不淺今遼東偽者甚夥並有山蓼秧蓼之分不可不辨長屬所採所種行銷內省每歲所收價值約萬金

按中土岐黃家不知參苗所產通稱高麗參或曰遼參究竟真贗懸殊高麗參不及中參遠甚中參以臨江迤東白山迤西一帶岡嶺所產稱最上品湯河左

近

即擬設撫
松縣治

參園甚夥名曰秧參以十二年成參爲上品次則八年或四六年一

年參紋一道確有明驗每年六七月間高麗人輒向湯河參戶以布疋紙張易參而轉售於中土獲利頗重今年緣新開龍華岡回長行至十五道溝掌遇高麗數十人紗帽白衣牽黃牛十餘頭駝布疋紙張等物如業商者然詢其所之則曰赴湯河問何業則曰以紙布易參也以是知高麗所售之參確係湯河秧參無疑

刨參土俗

土人名參爲榜槿象形也每年至七月間入山刨參名曰放山身佩紅線繩數條繩頭繫青銅錢一個手柱小木杖一根披荊撥草蹣跚而行一見參苗特出則疾趨向前大聲呼之曰榜槿以紅線繩繫之青銅錢鎮之並伏地叩頭以謝山神然後四圍掘坑寬至四五尺深至五六尺不等緣參苗以鬚爲貴恐損其鬚故也掘出後以土包之如大甕形售之參商再加以蒸練法

參條

從新云遼蓼之橫生蘆頭上者力已薄只可用以調理常症價值亦廉

蓼鬚

從新蓼之橫生蘆頭上而甚細者性與蓼同而力薄貧乏者往往用之今市中皆由分別出售云

人蓼子

拾遺云如腰子式生青熟紅近日販客從遼東帶歸內省者多青綠色如豆大以北地霜早入山采取不及熟紅也售價頗昂發痘引漿無癢場之患按蘇人呼極小生蓼為子蓼亦名太子蓼即遼蓼之極小者近盛行於吳中蓼葉初歸客帶入內地餉遺代茶生津潤肺蘇州市中漸有貨者價值日增特補錄以廣消售近時有用蓼子催生僉云有效

貝母

爾雅名蒿陶氏宏景曰形似聚貝子故名貝母時珍曰詩云言采其蟲即貝母

一作蔞蟲根狀如蟲也集解貝母生晉地十月採根暴乾葉似大蒜葉四月蒜熟時採之若至十月苗枯根亦不佳出潤州荊襄者佳川省及江南諸州多有之豫皖各省均產貝母蘇頌云二月生苗莖細色青葉似蕎麥七月開花碧綠色形如鼓子八月可採陸機詩疏云蔞貝母也葉如枯萸而細小其子在根下如芋子郭璞爾雅註謂花白葉似韭此種今罕見矣雷斅曰貝母中有獨顆團滿不分兩片無皺紋者號丹龍精不入藥品誤服令人筋脈不收惟黃精小藍汁可解足徵種類不一性微寒苦瀉心火辛散肺鬱解諸瘡毒亦外科中之佳品長地所產頗堪適用消售價值約在東錢四千串之譜

沙參

別錄名鈴兒草名虎鬚又名苦心宏景曰此與人參苦參元參丹參是爲五參其形不盡相類而主療頗同故皆有參名集解沙參生河內川谷二月八月採根暴乾又淄齊潞隨江淮荊湖皆有之時珍曰沙參處處山原有之二月苗生

葉如初生小葵葉而圓扁不光八九月抽莖高一二尺莖上之葉尖長如枸杞葉小而有齒葉間開小紫花長二三分如鈴鐸狀五出白蕊亦有白花者結實大如冬青實有細子霜後苗枯根生沙地者長尺餘大一虎口生黃土中則短而小莖根皆有白汁八九月采者白而實春采者黃而虛僞造者蒸壓實以亂人參但體輕鬆味淡短耳性甘苦微寒專補肺氣宜肺熱不宜肺寒備要云人參補五臟之陽沙參補五臟之陰肺熱者用之以代人參產北地者良故近有遼沙參之名

桔梗

時珍曰此草之根結實而梗直故名分甜苦二種本經以薺菀爲甜桔梗至別錄始發明薺菀條分爲二物其性味功用有同有不同當以別錄爲是集解桔梗今在處有之根如指大黃白色春生苗莖高尺餘葉似杏葉而長橢四葉相對而生嫩時亦可煮食夏開小花紫碧色頗似牽牛花秋成結子八月采根暴

乾性苦辛而平肺經主藥本草謂有小毒經諸家辯之仍以苦辛平爲宜長屬所產行消頗遠

薺芎

圖經名杏參綱目名甜桔梗時珍曰薺芎多汁有濟范之狀故以名之濟范濃露也其根如沙參而葉如杏故河南人呼爲杏葉沙參俗名亦呼甜桔梗別錄分而晰之備要謂似人參而體虛無心似桔梗而味甘不苦薺芎桔梗以有心無心分之皮色亦稍異惟奸賈僞造以亂人參不可不辨性甘寒無毒利於肺長屬亦間有之

薄荷

長地所產氣味甚濁不適於用土人采之不成價值即奉省行消者以南來爲上

黃精

植物卷上

穀類

麥 麥類分大麥小麥小麥名來又作秣爾雅小麥秣廣雅來小麥也本草麥字從來從久來象其實久象其根苗初生如韭長成似稻高二三尺實居殼中生時色青熟時色黃大麥亦名牟爾雅大麥辨廣雅牟大麥也本草麥之苗粒大於來故得大名牟亦大也莖葉與小麥相似但莖微粗葉微大殼與粒相黏未易脫小麥磨麪爲用甚廣大麥本質少麪均以秋種夏熟方佳亦有春種夏穫者長白地氣極寒冬春地凍不生活春末夏初方可播種秋末成熟麥麪不如內地本境種小麥者多

粟 粟梁屬名曰穀脫穀名曰小米普通食品稈高三四尺中空有節葉似蘆穗似蒲顆粒成簇種色甚夥有宜早宜晚之分長郡種穀不分早晚夏種秋熟苗碩大收穫頗豐

拾遺名救荒草瑞草經名黃芝宏景曰仙人餘糧蒙筌名野生薑俗名山生薑
集解黃精生山谷二月采根處處有之二月始生一枝多葉葉狀如竹而短根
如鬼臼柔而有脂備要云以其得坤土之精久服不飢植物中鉤吻類黃精惟
葉尖有毛不可不辨誤服傷人黃精性甘平無毒治法必九蒸九晒爲宜長產
只消本省

萎蕤

別錄名玉竹本經名女萎時珍曰此草根長多鬚如冠纓下垂之綏故以名之
集解處處山中有之根橫生似黃精差小服食家亦有用之者葉青黃色相值
如薑葉三月開青花結圓實性味甘平可代參耆仲春初秋皆可采竹刀刮皮
陰乾

蒼朮

時珍曰蒼朮古名山薊處處山中有之以茅山出者爲佳苗高二三尺其葉抱

莖而生稍間葉似棠梨葉其脚下葉有三五義皆有鋸齒小刺根如老薑蒼黑色肉白有油膏采時以深冬爲良二三月八九月亦可采米汁浸後焙乾同芝麻炒以製其燥集解古方不分蒼白二朮經陶隱君發明自宋而後始言蒼朮性苦辛氣芳烈與白朮之性苦甘氣和平各適其用後人主之白朮以皖浙產者爲佳即蒼朮亦以茅山嵩山爲上品東境之朮芳烈稍遜云

貫衆

本經名貫節貫渠綱目名黑狗脊圖經名鳳尾草本草注葉莖如鳳尾其根一本而衆枝貫之故葉名鳳尾根名貫衆時珍曰多生山陰近水處數根叢生一根數莖根大如筋其澁滑葉則兩兩對生如狗脊之葉而無鋸齒青黃色面深背淺其根曲而有尖嘴黑鬚叢簇亦似狗脊根而大狀如伏鷄性苦微寒有毒能解邪熱之毒二三月及八月采根陰乾浸水可避時瘟

淫羊藿

唐本草名仙靈脾宏景曰服之使人好爲陰陽西川北部多羊一日百合服此所致故名淫羊藿時珍曰生大山中一根數莖莖粗如綿高三尺莖三椹一椹三葉葉長二三尺如杏葉及豆藿面光背淡甚薄細齒有微刺集解四月開白花分白紫二色五月采葉曬乾蜀本草言生處不聞水聲者良湖湘生者其葉經冬不凋其性辛香甘溫根葉皆可用遼產次之

紫草

爾雅作苾草猺獞人呼爲鴉銜草花紫根紫可以染色故名集解生碭山山谷及楚地三月采根陰乾又云所在皆有二月開花八月熟實時珍曰種紫草三月下種九月子熟春秋前後采根陰乾其根有毛如茸當未花時采者佳備要古方用茸取其初得陽氣以類觸類用發痘瘡今人不達此理惟品其性曰甘鹹氣寒一概用之誤矣

茸

拾遺云紫草茸以西藏采製者爲佳遼東之紫草茸仍來自內地遼產紫草售之本省市中而已

防風

別錄名屏風時珍曰防者禦也其功療風最要故名屏風防風者隱語也集解汴東州縣江浙淮徐青齊一帶產者良正月生初葉紫紅色漸分青綠色似青蒿而短小五月花有黃白二種六月結實采根以二月十月爲宜春季夏季亦可采取根暴乾性甘辛微溫爲祛風瘧之要藥長白所產行消本省

獨活

本經即羌活宏景曰一莖直上不爲風搖故名獨活別錄云此草得風不搖無風自動又名獨搖草古方惟用獨活後人謂獨活爲羌活之母是一類二種遂分用備要亦分爲二註云節疎色黃爲獨活節密色紫氣猛烈者爲羌活並出蜀漢又云自羌活中來者爲羌活集解云春生苗葉如青麻六月開花作叢分

黃紫色結實時葉黃者是夾石所生葉青者土脈中所生二月八月采根暴乾以出蜀漢者良遼產亦佳足行消內地云

天麻

藥性名赤箭芝有風不動一名定風草集解四五月八月采根暴乾葉如芍藥而小中抽一莖直上如箭莖端結實狀如續隨子至葉枯時子始黃熟其根連一二十枚猶如天蓂冬之類形如王瓜亦如蘆菔大小不定以生於齊鄆者獨佳他處雖有多不適用長屬所產遼市並售之

赤箭

即天麻根莖本草性辛溫無毒集解謂赤箭與天麻主治不同明太史沈括常爲辯論惟古方用天麻不用赤箭用赤箭不用天麻又是爲一物矣時珍曰本經止有赤箭後人稱爲天麻足徵一物至主治不同之說按蘇頌圖經謂天麻自表達裏赤箭自裏達外性味悉屬甘溫後人遂分爲二醫家亦依以爲據矣

還筒子

本草綱目即天麻子功用性味悉同天麻

升麻

時珍曰其葉似麻其性上升故名集解升麻生益州山谷二月八月采根暴乾
宏景曰舊以寧州爲第一其形細黑堅實出益州者細削青綠色亦佳拾遺云
升麻以綠色者爲佳性甘辛微苦用之散表風邪北部多有實不堪用賈人亦
妄售焉

苦參

時珍曰苦以味名參以功名別錄曰生汝南山谷及田野三月八月十月采根
暴乾宏景曰近道處處有之葉極似槐葉春生冬凋花黃白色子作莢根味至
苦惡集解云其根黃色長五七寸粗如駢指三五莖並生秋曰結子如小豆子
惟河北生者無花子五月六月十月采其性苦寒入腎腎虛者忌之長地所產

尙堪適用

龍膽草

綱目葉如龍葵味如苦膽因以爲名集解云根狀似牛膝味甚苦苗高尺餘四月生葉如嫩蒜莖細如小竹枝七月始花如牽牛花青碧色冬後結實其葉有經霜不凋者亦同類而別種也性大苦大寒瀉肝胆之火舊說生齊胸山谷宏景亦謂以吳興者爲勝今遼東所產行消內地

細辛

綱目出華陰者真根細而味極辛故名宏景曰今用東部臨海者形段亦好而辛烈不及華陰高麗產亦可用須去頭節集解細辛如葵赤黑一根一葉相連今處處有之不及華陰之真良也草中有杜蘅鬼督郵徐長卿皆足亂之不可誤用采時揀去雙葉者遼東所產甚夥行消內省長屬所采每年亦足售千金

白薇

別錄名薇草時珍曰微細也其根細而白也集解白薇生平原川谷三月三日采根陰乾宏景曰近道處處有之莖葉俱青頗類柳葉六七月開紅花八月結實根黃白色類牛膝而短性味苦鹹而寒治陰虛火旺生痰尤宜婦人古法以三月三采今人多八月採之

赤芍

綱目名將離圖經赤者名木芍藥時珍曰芍藥猶綽約也綽約美好貌此花容色綽約故以爲名集解芍藥處處有之淮南者勝春生紅芽作叢莖上三枝五葉似牡丹而狹長高一二尺夏初開花有紅白紫數種結子似牡丹子而稍小秋時采根暴乾揚州芍藥甲天下十月生芽至春始盛三月開花其品凡三十餘種有千葉單葉樓子之分入藥用單葉者之根今藥中所用仍以淮南者爲佳性味苦酸微寒主治與白者同惟瀉邪行血少利耳長補所產惟赤色者行消遼東每歲所得價額約三百金

澤蘭

宏景曰一名都梁香吳人呼爲水香草俗名孩兒菊生於澤旁山谷亦生今藥家不分澤蘭山蘭同而采之蘭草澤蘭一類各種俱生下濕紫莖素枝赤節綠葉葉對節生有細齒但以莖圓節長葉光有歧爲蘭草莖方節短葉有毛者爲澤蘭不難辯也此草浙閩江皖鄂湘爲最勝性味苦甘辛香爲女科要藥舊說以三月三日采取陰乾今人多七月八月采之惟長白節候尤遲百物發生不能應時因地適宜萬勿膠柱可也

益母草

本經名芫蔚會編名野天麻外臺名夏枯草因其夏至後即枯另有名夏枯草者別一種也時珍曰此草及子皆芫盛密蔚故名芫蔚性味辛甘微溫無毒又云辛微苦寒能明目益精爲經產良藥其功宜於婦人故名益母陸機云爾雅名葍葍益母也故曾子見之感恩集解云芫蔚生海濱地澤又云處處有之今

之園圃及田野尤多葉似荏苒方莖類麻花分白紫生節間節節生花實似雞冠子其色黑益母以五月采之九月采實

荒蔥子

備要即益母草實主治畧同久服有子長屬所產甚夥惜此物不成價值云

夏枯草

綱目此草夏至後即枯蓋稟純陽之氣而生得陰氣則枯故有是名集解夏枯草處處有之原野間甚多苗高一二尺許冬至後生葉似旋覆三四月開花作穗紫白色似丹參花結子亦作穗五月便枯四月采之

漏蘆

時珍曰屋之西北黑處謂之漏凡物黑色謂之蘆此草秋後即黑故有漏蘆之名集解此藥亦名菝葜莖葉似白蒿花黃生莖長似細麻之莢大如筋許有四五瓣七八月後皆黑異於衆草今曹兗沂秦淮海所產花色不一葉頗相類但

秦海生者葉作鋸齒狀一物而殊類也如此入秋葉莖皆黑者爲眞備要云閩中莖如油麻葉黑如膝者尤佳醫家常用莖葉性味苦鹹而寒軟堅泄熱用根者尠陳氏藏器白南人用苗北人用根別錄八月采根之說不爲無據長屬所產行消未廣

木賊

時珍曰此草以之治木磋擦光潔猶云木之賊也掌禹錫嘉祐本草謂木賊出秦隴華成諸郡近水地苗長三四尺叢生每根一幹無花葉寸寸有節色青凌冬亦不凋四月采之集解所在近水處多有之采無定時其節中空輕揚形同麻黃而粗過之性溫味微甘少苦能治目疾遼產亦佳行消內省

馬蘭花

時珍曰俗稱物之大者爲馬馬蘭其葉似蘭而大花似菊而紫故名集解馬蘭生澤旁如澤蘭而氣臭北人呼其花爲紫菊以其似單瓣菊而紫也性味辛平

葉皆可用破血甚良惟備要載醫家偶有用者行消亦滯

紫苑

綱目名返魂草許氏說文作苾菀時珍曰其根色紫而柔宛故名集解紫苑生漢中房陵山谷及真定邯鄲沂究皖省皆有之宏景謂近道處處有之其生布地花紫色本有白毛根甚柔細陳自明云紫苑以牢山出者良今人多以車前旋覆根染以赤土僞充貽害肺病不可不慎真者性味辛溫潤肺也采之以二月三月爲時宜陰乾根葉悉入藥長產惟消本省

女苑

綱目即紫苑之白白者功與紫苑相似自紫苑行而醫家用者勘矣市中混入紫苑者有之

地膚子

本經名地葵別錄名地麥宏景云一名掃帚藥性名益明北人名涎衣草時珍

山曰微補錄
曰地葵因其苗味似也麥因子形似也益明子能明目也莖可爲帚故名掃帚
涎衣者以葉細極弱不能勝舉也初生薄地五六十根形如蒿莖赤葉青大如
荊芥三月開黃白花結子青白色性甘苦而寒可入補劑八月采實陰乾

紫蘇

時珍曰蘇性舒暢行氣和血故謂之蘇蘇亦荏類特味辛如桂耳故爾雅謂之
桂荏宏景曰蘇葉紫色而氣甚香非紫色似荏不香者謂之野蘇白蘇皆不堪
用集解紫蘇夏采莖葉秋采子子與葉同功潤心肺下氣定喘備要云葉發汗
散寒梗順氣安胎子降氣開鬱各有功用長地所產價值歲約三四百金

車前子

本經名當道按爾雅云芡苢馬瀉牛遺車前皆指此陸機云此草好生道邊馬
跡中故有車前當道各名詩疏謂之牛舌集解車前江湖淮汴及北地處處有
之春初生苗布地如匙面累年者長及尺餘中抽數莖作長穗如鼠尾花甚細

密青色微赤結實如葶蔴赤黑色故性味甘寒利水今人五月抽苗八月采實
舊說五月五日采取陰乾車前根北人采之暴乾僞作紫莞不可誤用

扁蓄

時珍曰許氏說文作扁筑筑與竹同故宏景謂爲扁竹綱目曰粉節草以節間
有粉也集解此草處處有之春中布地生道旁苗似瞿麥葉細綠如竹赤莖如
釵股節間生花甚細青黃色亦有細紅花者根如蒿根性苦平能殺蟲疥以四
五月采苗陰乾

蒲公英

綱目名黃花地丁入菜部以其苗嫩可食也拾遺載白鼓釘即此備要入草部
葉如萵苣花如單瓣菊花四月開花花殘飛絮斷之莖中有白汁鄭方升曰一
莖兩花高尺許者掘下數尺根大如拳旁如人形拱挽搗汁和酒治隔噎如神
性味甘平李氏東垣曰苦寒腎經君藥通淋妙品不止解毒消癰也此草處處

有之功用甚大不可謂物以罕珍置之常品也

紫花地丁

時珍曰處處有之其葉似柳而細微夏開紫花結角平地生者起莖溝壑邊生者起蔓性味苦辛而寒主治癰疽發背惡瘡無名腫毒草中佳品也有白花者時珍謂別一種故近世尚不以白花者爲良云

柴胡

綱目作茈胡茈古柴字集解關陝江湖間近道皆有之以銀州者爲勝二月生苗甚香莖青紫堅硬微有細線葉似竹葉而稍緊小亦有似斜蒿者亦有似麥門冬葉而短者七月開黃花根淡赤色似前胡而強過之生丹州者結青子與他處者不類其根似蘆頭有赤毛如鼠尾獨窠長者良時珍曰銀州即延安府地二八月采根暴乾采銀柴胡用銀刀削去赤薄皮以粗布拭淨勿令犯火凡病非柴胡不可者銀柴胡一付可愈南方者湏三付南產根軟所謂軟柴胡也

軟者治虛熱獨良北地今人謂之北柴胡入藥亦佳觀此用藥以道地爲妙的矣

牛子莠

別錄古名惡實名鼠粘子綱目名大力子時珍曰其根葉皆可食因狀惡多刺名惡實鼠過子墮粘不可脫亦名鼠粘集解處處有之葉大如芋子殼似粟實細長如茺蔚子性辛平潤肺解熱根苦寒竹刀刮淨汁和密治中風惡瘡長屬所產實夥到去價廉不能遠消

蒼耳子

名見爾雅本經名臬耳詩經名卷耳綱目名豬耳宏景云俗名羊負來記事珠名進賢菜本草以耳名者因實得名也陸機詩疏其實如婦人耳璫今人又謂之耳璫鄭康成謂爲白臬幽州人呼爲爵耳博物志洛中有人驅羊入蜀胡臬子多刺粘綴羊毛遂至中國故名羊負來如鼠粘子之類別錄臬耳生安陸川

如豌豆許大生青熟紅或紫黑種類不一大抵相近采時蒸乾長屬界高麗所產宜良行消內地每歲所得價值次於人參

馬兜鈴

寇宗奭曰蔓生附木而上葉脫時其實尙垂狀如馬項之鈴故得名也集解馬兜鈴今關中河東河北江淮夔浙諸州郡皆有之春生苗作蔓繞樹而生葉如山積葉而厚大過之背而白色六月開黃紫花類枸杞花七月結實如大棗狀似鈴作四五瓣其根名雲南根微似木香大如小指赤黃色七八月采實陰乾性味苦寒主治肺熱長屬亦產行消未廣

金銀花

綱目名忍冬一名金銀藤宏景曰處處有時之珍曰忍冬附樹延蔓莖紫對節生葉葉似薛荔色青有毛而濇三四猜開花長寸許一蒂兩花二瓣一大一小如半邊狀長蕊花初開色白經二三日則變黃矣新舊相映故呼金銀花氣甚

芬芳四月採花陰乾葉四季皆可採陰乾爲宜性味甘寒亦苦酸熱解毒長屬所產甚夥惟消本省

木通

備要古名通草又通脫木一名通草宋本草混而爲一時珍分而明之宏景曰產近道繞樹藤生莖有細孔吹之兩頭皆通者良此物大者徑三寸每枝二二三枝有五葉夏秋開紫花白花結實子長三四寸核黑瓢白食之甘美正二月採枝陰乾舊說澤路漢中江淮湖南州郡悉產之性味甘淡雷公云味苦甄權云味寒以苦寒得平遼產亦良長屬所採售值亦等於五味云

卷柏

綱目名長生不死草宏景曰近道多有叢生石上用時去在下近沙石處別錄生山谷石間五七月採陰乾宿根紫色名多鬚春生苗似柏葉而細拳攣如雞足高三五寸無花子性最耐久俗呼爲萬年松生用辛平破血灸用辛溫止血

長屬亦產此物以常山關陝兗沂諸州爲多

馬勃

別錄馬勃生園中久腐處宗奭生溫地朽木中狀如狗肝紫色虛軟彈之粉出夏秋采之有大如斗者小如升勻韓退之所謂牛溲馬勃俱收並蓄者是性辛平清肺解熱惟市中行消未廣也

遼黨參

拾遺引本經謂產山西太行者名上黨參雖無甘溫峻補之功卻有甘平清肺之力不似沙參性寒專泄肺氣味也百草鏡云黨參一名黃參黃潤者良出山西潞安太原等處有白色者總以淨軟實壯味甘者佳從新引古本草云參須上黨者佳真黨久已難得市中黨參種類甚多不堪用翁有良辯誤云黨參以山西出者爲勝陝西次之川黨蓋因陝西毗連移種栽植皮白味淡形類桔梗不堪適用長屬亦產較晉省所產形狀相同惟皮色稍粗藥人售之可知物

亦不以地圀也性味功用尙待品評焉

牽牛子

綱目名黑丑備要云此藥漢前不入本草故仲景方中無此別錄載宋後始多用者宏景謂此藥始出田野人牽牛謝藥故以名之有黑白二種名黑丑白丑者蓋以丑屬牛而隱語也集解處處有之二月種子三月生苗蔓繞籬牆高二三丈葉青生三尖角花微紅帶碧亦有紫色帶白者八月結實白皮裏毬內包子四五枚大如蕎麥形生三稜九月采之性辛溫有毒黑者力能速於攻下云

青蒿

集解葉似茵陳而背不白高四五尺仲夏采暴乾入藥詩云呦呦鹿鳴食野之蒿即此沈括夢溪筆談青蒿一類二種分青黃二色本草獨取青蒿自有別也青蒿深秋不黃其氣芬芳入秋花黃花細香遠實結細子備性要苦寒二月生

蜀黍 一名蜀秫種自蜀來故以蜀名其黏者近秫故借名爲秫又名高粱亦梁屬高且大也莖高丈餘狀似葦荻而內實穗大如帚粒大如椒殼有紅白各色米性堅實而不精細農政全書謂蜀黍於五穀中爲下品不宜麥禾者乃種之長郡種此者多用以釀酒或飼畜牲

玉蜀黍 一名玉高粱一名戎麥一名御麥幹葉與蜀黍相類但肥而倭苗心直上開花成穗節間別出一苞如櫻魚形苞折子見顆顆攢簇子粒如芡實大而瑩白磨麩可作餅餌並可煮飯作粥土人名爲包米亦曰玉米此物最宜北地爲遼東食物大宗長郡居民家家蓄積

黍 黍者暑也待暑而生暑後乃成也一名秬一名秠有黃白黎三色米較粟微大北人呼爲黃米其性黏其味甜可煮粥可釀酒作飴糖孟子云五穀不生惟黍生之最宜長郡收穫較早

稻 稻有紫芒稻赤芒稻青芋稻蓋下白稻梗之紅白大小不同芒之有無長短

不同米之堅鬆軟硬不同性之溫涼寒熱不同味之香甜濃淡不同北稻涼南稻溫赤稻熟白稻寒又有水種旱種兩大區別本境多旱種其種色有來自關內者有購自高麗者米尙潔白較南方佳種不及遠甚

蕎麥 一名烏麥一名莖麥一名花麥莖色紅青翹然而蓬茂開小白花甚繁密花落結實形成三稜嫩時色青老時則烏黑去其殼可磨作麩但色黑而膩遜於小麥麩云

稗 本草稗乃禾之卑賤者故字從卑陳藏器曰稗有二種一黃白色一紫黑色北人呼爲烏禾爾雅稗與稊二物也皆有米而細小按稗亦粟屬苗葉似稭子稍頭出扁穗結子如黍粒味微苦每一斗出米三升水旱皆宜足救荒歲

豆 羣芳譜豆者菝穀之總名也約有數種曰黃豆豉豆黑豆豇豆豌豆可食可醬可豉可腐榨取豆油以佐食有令其生芽充菜者名曰豆芽按豆類皆蔓生莖葉蔓延葉圓有尖開花成簇結莢有大小熟而折之播其莢豆乃出遼東以

苗得春木少陽之氣最早治骨蒸勞熱凡藥苦寒傷胃惟青蒿香芬入脾宜於血虛有熱之人毫不損胃葉莖根子功用並同惟用時使子勿使葉使根勿使莖耳此藥雖處有之亦藥中之佳品也

藜蘆

別錄名山葱時珍曰北人謂葱南人謂之蘆葱集解藜蘆處處有之三月生苗如初出稷心葉如車前其大逾之花肉紅色莖似葱白青紫色高五六寸上有黑皮采根陰乾性辛寒至苦有毒入口即吐風癩症多用之

瞿麥

爾雅作蘧麥一名大菊別錄名大蘭日華本草名石竹綱目名南天竺草宏景曰子似麥故名瞿麥韓偓解韓詩外傳云生於兩旁謂之瞿此麥之穗旁生故也時珍曰葉似地膚而尖小又似初生小竹葉而細窄其梗纖細有節高尺餘稍間開花田野生者花大如錢紅紫色人家種者花稍小而嫵媚有細白粉紅

紫赤斑斕數色俗呼爲洛陽花結實如燕麥內有小黑子宏景曰按經云采實雷穀曰用蕊殼勿用莖葉備要亦謂用蕊殼性苦寒利小腸治五淋之要藥梗葉尤利下部恐使人小便不禁也

木部

黃櫨

時珍曰名義未詳舊說謂木可染色本經言櫨今用皮古時豈木與皮通用乎櫨字俗省作柏別錄生漢中山谷及永昌宏景謂出邵陵者薄而色深出東山者厚而色淺集解按蜀本草圖經云樹高數丈葉如吳茱萸如紫椿經冬不凋皮外白裏深黃色其根結塊如松下茯苓今所在有之他處生者樹小形同石榴又一種小而多刺以川產肉厚色深者爲上品性苦寒微辛生降實火炙不傷胃炒黑能止帶崩以五月采皮陰乾遼亦行內地長屬所產足售遠方

枸杞子

枸杞古作枸檣爾雅檣音計別錄作枸忌詩疏作苦杞抱朴子名天精圖經名甜菜本草名西王母杖一名仙人杖舊說枸杞二樹名此物棘如枸之刺莖如杞之條故兼名之道書言千載枸杞其形如犬故得枸名未悉然否集解生常山平澤阪岸及諸陵壑今處處有之春生苗葉如石榴葉而軟薄堪食其根幹高三五尺作叢六七月生小紫紅花結紅實形微長如棗核其根名地骨時珍謂古時枸杞地骨以常山爲上後世惟取陝西而又以甘州者絕佳今蘭州隴州九原以西並成大樹葉厚根粗河西甘州者子圓如櫛桃暴乾緊小少核乾亦紅潤甘美如葡萄可作果品異於他處沈存中筆談亦言陝西極邊生者其高逾丈可作柱木葉長數寸無刺根皮如厚樸入藥應以河西爲上也備要謂南方所產高數尺西北所產並成大樹本草云其性苦寒備要言甘平入滋補劑遼產輸出無多其品亦次

天精草

備要即枸杞葉性味甘苦而涼清上焦心肺客熱代茶治消渴古方葉根子並重今用者尠矣

地骨皮

綱目枸杞根味苦寒備要云淡甘而寒治五內邪熱兼補正氣別錄枸杞根大寒子微寒冬采根春夏采葉秋采莖實

蔓荊子

時珍曰其枝小弱如蔓故曰蔓荊集解蔓荊生水濱苗莖延蔓長丈餘因舊枝而生小葉五月葉成似杏葉六月有花紅白色黃蕊九月有實黑斑大如梧子而輕虛葉未凋以前采實性味辛苦而寒治頭面風虛之症用時蒂下有白膜一重去膜打碎

安息香

時珍曰其香辟惡安息諸邪按段成式酉陽雜俎云安息香樹出波斯國呼爲

避邪樹長亦有二三丈者皮色黃黑葉有四角經寒不凋二月開花色黃花心微碧不結實刻其樹皮膠出如飴六七月堅凝乃取之焚時通神避惡名安息香吉林外志謂長白山一帶出安椿香即安息香安椿者土名也

果部

松子

時珍曰松子出遼東雲南松鬚毬五鬣內結子集解松子狀如小栗三角其中仁味香美亦有南北之分產華陰者形小殼薄有斑極香塞上者肉香味美性甘溫潤肺胃除風散水治咳嗽長屬所產行消內地每歲約價值千餘金

榛子

集解生遼東山谷高丈許子如小栗軍行食之當糧止飢鄭元云關中甚多惟新蘿者榛子肥白最良時珍曰榛樹低小如荊冬月開花如櫟花成條下垂三五相間一苞一實生青熟紅其殼厚而堅其仁白而圓大如杏仁亦有皮尖然

多空者諺云十榛九空陸機詩疏云榛有兩種有大小之分性味甘平調中開胃長屬之榛行消關內價值約三倍於松子云

山榲

唐本草名赤瓜子圖經名棠棣子食鑑名山裏果俗本俗作山查時珍曰赤爪棠棣山查一物也古方罕用故唐本草雖有赤爪後人不知即此丹溪朱氏始著山榲功效而後遂成要藥其類有二種一種小者可入藥用樹高數尺葉有五尖極間有刺三月內開五出之小白花實分赤黃二色形如小林檜如指頭九月乃熟性味酸甘鹹溫消積散氣長地所產價值約東錢四千串云

核桃

綱目性甘平而溫蘇頌曰性熱不可多食皮瀋斂肺定喘固腎瀋精有金櫻蓮鬚之類長屬山中所產甚夥惟皮厚而大堅多肉少其殼甚厚椎之方破與劉恂嶺表錄所載山胡桃同入藥恐非上品也

長白徵存錄

穀菜部

蕎麥

詳見本志穀類備要性味甘寒降氣寬腸治腸胃沈積鍊五臟垢穢敷痘瘡解湯火傷虛寒人勿服綱目謂甘平寒思邈曰酸微寒食之難消久食動風葉下氣利耳目楷燒灰淋汁蜜收膏爛癰疽蝕惡肉最良遼產甚夥隨麥豆高粱亦行消外處云

山百合

拾遺此百合之野生者瓣斜長而味甘山人採貨之又云百合有三種白花者入藥紅花者名山丹黃花者不入藥舊說謂檀香百合可食虎皮百合食之傷人山百合花遲不香與百草鏡所云百合有三種大致相同百合以野生者良分甜苦二種甜者良取如荷花瓣無蒂無根者佳性甘平解傷寒及百合病尤治久嗽朱二允曰久嗽肺虛則宜飲百合之甘飲勝於五味之酸收長地野生

者頗多采而售之行消必廣

山丹

即紅花百合入食品不及白花者良綱目名紅百合時珍曰山丹根似百合小而瓣少莖亦短小其葉狹長而尖頗似柳葉與百合少異四月開花六瓣不四垂不結子其根氣味甘涼主治瘡癰驚邪婦女崩症花可和血蕊散疔毒惡瘡長地亦產山丹無貨者

薤

綱目名大葱時珍曰韭類也故字從韭薤數枝一本葉狀似韭韭菜中實而扁有劍脊薤葉中空如細葱而有稜氣亦如葱二月開細花紫白色根如小蒜一本數顆相依而生五月葉青即掘之否則肉不滿也性味辛平苦溫滑調中助陽利產安產白樂天詩云酥暖薤白酒以酥炒薤白入酒飲之可和血脈長地並產野薤性味畧同即爾雅白勁山薤是也又一種葉似金登稍闊而薄性味

尤遜

蔓青子

別錄名蕪菁綱目名諸葛菜詳本志菜類子入藥性味苦辛時珍曰其性可升
可降能汗能吐能下利小便明目解毒功用甚佳世罕知用何哉敷蜘蛛咬毒
藏器曰蔓青園中無蜘蛛相避忌也根葉悉載本草敷一切瘡疽并治陰囊如
斗此物到處有之各消本地不足言外售云

薺菰蕈

綱目甘寒無毒正要謂有毒動氣發病不可多食時珍謂化痰理氣諸書悉未
發名功用近世醫家主提發小兒痘漿謂勝雞肉魚肉鮮而不生火薺菰以西
口產者爲良俗名口薺緊小潔白如釘者呼爲薺菰釘至片薺花薺均其次也
長屬所產者近次歲值統計約八百金

木耳

綱目味甘平有小毒主治益氣不飢輕身強志時珍斷穀曰治痔備要多食動風氣發病木耳惡蛇蟲經過者即有毒楓樹所生木耳食之令人笑不止赤色仰生夜視有光並有毒不可食誤食者宜搗冬瓜蔓汁解之長屬所產價值歲約二百金

金石部

金

按許氏說文五金黃爲之長綱目備要悉云辛平有毒要知性質堅剛重墜與血肉之體不宜服者致死非有毒也人被金銀灼者並不潰爛無毒明矣精金碎玉世之寶器豈有毒哉入藥特藉其寶氣也古方紅紫雪二丹皆金銀煮汁假其氣耳煎劑剛藥並煮鎮心肝安魂魄治驚癩風熱肝胆各病長屬不乏金礦近未開採棄寶於地良可惜也

銀

綱目辛寒無毒主治與金畧同其質次之長屬有礪近未開採

浮石

綱目名海石舊名水花時珍曰浮石乃江海間細沙水沫凝聚日久而成狀如水沫及鐘乳石有細孔如蟲窠白色體虛入水即浮性味鹹寒潤下降火俞琰席上腐談云肝屬木當浮而反沈肺屬金當沈而反浮何也肝實而肺虛石入水即沈東海有浮水之石木入水即浮南海有沈水之香虛實之反如此長白臨江江源出長白山之天池水沫迴環波湧浪激日久多成浮石云

鳥獸部

雉

詳見本志釋名野雞雉肉綱目味酸微寒日華味平微毒不可常食損多益少利秋冬不利春夏死而爪甲不伸者尤不可食發五痔諸瘡孫思邈曰雉嘴燒研敷蟻瘦時珍曰雉腦塗凍瘡雉尾燒灰和油塗天火瘡雉屎主治久瘡不止

雉當時而食周禮庖人供六禽雉其一也亦食品之貴者諸書云有小毒不多食耳長產歲值東錢二百串

虎

詳見本志獸類長屬每歲臘得者價值約二千五百金全虎功用甚大特爲條列於左

虎骨

綱目味辛微熱虎屬金而制木故嘯則風生追風健骨定痛避邪治風痺攣拘驚悸癩癩犬咬骨哽等症以頭骨脛骨良藏器曰有威骨在脇破肉取之如乙字形可爲佩帶全骨配合熬膏傅貼筋骨各症功效甚著惟藥箭射者其毒入骨不可不察云

肉

綱目酸平微鹹宏景曰俗方言虎肉傷齒舊說正月食虎傷神主止嘔益力治

瘧疾拾遺醉虎肉主治稀痘三岡識略壬子正月初十日福山戍卒縛醉虎獻
於王大將軍將軍剖肉分贈郡紳之小兒食之云可以稀痘是虎正月亦可食
按虎食人與楊柳及狗皆醉宦游筆記載山人捕虎法虎嗜犬食之必醉如人
中酒然以劣犬縛於山凹犬嗥不已虎聞聲而前果腹而醉不能遠去人跡而
捕之百不失一

血

綱目壯神強志時珍曰飲虎血以壯神志抱樸子云三月三日取虎血雞血和
初生草實服可以移形易貌

肚

綱目主治反胃

腎

綱目主治瘰癧時珍曰芍藥丸中用之

膽

綱目治小兒驚癇疳痢神驚拾遺治打傷垂死瘀血在心黃酒和研茯苓爲使
陳酒爲引灌之立愈

睛

綱目虎睛多僞自獲乃真凡用睛湏問明獵人分雌雄老嫩中毒自死者勿用
用則傷人用時以生羊血浸一宿漉出微火焙乾搗粉用虎睛丸治小兒百病
時珍曰明目去翳備要虎睛散竹瀝爲引治小兒驚癇夜啼

鼻

別錄治癩疾小兒驚癇宏景曰懸戶宜男舊說懸虎鼻宜子孫此與古人胎教
欲見虎豹之義同取其以勇壯爲貴也

爪牙

別錄爪繫小兒臂避諸惡魅綱目牙治瘡疽殺蟲勞

皮

綱目治瘡疾避邪魅應劭風俗通云虎爲陽精百獸之長能避鬼魅今人中惡燒灰作飲或繫衣服皆甚驗也起居雜記云有瘡症勿臥虎豹皮毛入瘡有大毒不可不慎

鬚

宏景云治齒痛酉陽雜俎云許遠齒痛鄭思遠贈以虎鬚插齒際其痛立止

屎尿中骨

別錄敷惡瘡時珍曰療癰疽痔漏研酒服治獸骨髓屎中骨研屑治火瘡及破傷風等症

魄

綱目主治驚邪避惡鎮心藏器曰凡骨夜視一目放光一目視物獵人候而射之努箭纔及目光即墮入地得之如白石者是也宗奭曰陳氏所謂乙骨及目

光墮地之說終不免於誣時珍曰乙骨之說不爲怪目光墮地亦猶人縊死者魄入於地隨及掘之狀如麩灰之義按茅亭客話云獵人殺虎記其頭頂之處月黑掘下尺餘得物狀如石子琥珀此虎之驚魄流入地下所凝主治小兒驚癩之疾其說甚詳寇氏尙未達此理耳

油

物理小識謂虎一身皆入藥本草未載虎油之功其油治臘梨瘡及大麻瘋塗之即愈按綱目載膏脂治狗疔瘡及五痔下血等症時珍曰治小兒頭瘡白禿服之止反胃藥性考所載與綱目主治相同油膏本入藥也

豹

詳見本志長屬獵豹貨皮價值約千六百金藏器曰豹皮生瘡者不可臥毛入瘡有毒與起居雜記所載相同

豹骨

綱目惟載頭骨燒灰淋汁主治頭風白屑時珍曰按五行志載豹骨作枕避邪肉

綱目酸平無毒思邈曰正月勿食傷神損壽別錄冬食利人安五臟補絕傷輕身壯筋骨宗奭曰此獸猛捷過虎食肉有以上各益舊說食豹肉今人志氣粗豪食之便覺少頃即化久食亦然

脂鼻

綱目脂能生髮朝塗暮生鼻時珍曰按外臺治夢與鬼交避狐狸精魅

熊

詳見本志長屬每歲所得價值約東錢萬串

熊掌

綱目禦風寒益氣力

脂

綱目熊白宏景曰熊白乃背肪也色白如玉味甚美性甘微寒亦云微溫寒月則有夏月則無腹中肪及身中脂鍊膏入藥而不中噉別錄云不可燃燈其煙損目失明主治筋急風痺不仁敷頭瘡白禿長髮澤面酒鍊冲服補虛損殺勞蟲並止飲食嘔吐

肉

性味與脂同主治亦同宏景曰有痼疾不可食食之終身不除若腹有積聚寒熱之類十月勿食食之傷神與正月之虎豹等古方熊肉可補虛羸時珍曰按劉河間云熊肉振羸鬼目明視皆氣有餘始補不足也

膽

備要性味苦寒涼心平肝明目殺蟲治驚癩五痔塗之即愈古方主治時氣盛熱變爲黃胆暑月酒病心痛等症服甚般并傳諸疔惡瘡功用甚大惟僞者甚多舊說但取一粒滴水中一道若線者真時珍曰熊胆佳者通明以一粒點水

運轉如飛者良餘胆亦轉但緩耳周密齊東野語云熊胆性喜避塵撲塵水上投膽少許豁然而開

腦髓

綱目主諸聾療頭旋摩頂去白禿風屑生髮髓主治相同

血骨

綱目主治小兒客忤骨作湯浴歷節風及小兒客忤

鹿

詳見本志長屬所得歲值三四千金藥人配全鹿丸悉取生鹿云

鹿茸

綱目性甘溫別錄酸微溫備要鹹熱純陽治一功虛損勞傷茸初生逾寸分歧如鞞紅如瑪瑙破之如朽木者良不可鼻臭有蟲入類取之得時太嫩亦血不足抱樸子云得鹿以活爲貴取茸然後斃之者以血未散也不破未出血者最

難得獵人得鹿死者居多收藏不宜易臭而力減沈存中筆談云凡含血之物
肉易長筋次之骨最難人生二十歲骨髓方堅麋鹿角及兩月有至二十斤者
凡骨之生無速於此草木不及頭爲諸陽之會鍾於茸角豈與凡血比哉故取
茸有時過期則有毫釐千里之差也

角

綱目醜溫備要生用則散熱行血消腫避邪治夢與鬼交鍊霜造膠則專於滋
補時珍曰鹿乃仙獸純陽多壽能通督脈非良草不食故其角肉食之有益無
損鹿一名斑龍西蜀道士貨斑龍丸歌曰尾閭不禁滄海竭九轉靈丹都漫說
惟有斑龍頂上珠能補玉堂闕下穴蓋用茸角霜膠所配耳

齒骨

綱目主治鼠瘻流血心腹疼痛綱目云味甘微熱安胎下氣酒浸補骨除風燒
灰治小兒洞注下痢

豆爲大宗本境種黃豆者實占多數

菜蔬類

蘿蔔 一名萊服有長圓兩種紅白青紫各色莖高尺餘葉大如掌皆可採食根蒂所結方爲蘿蔔可生可熟可菹可醬味辛甘食含水質鹽漬之可製爲醬其汁可取作糖乃蔬中之易生而用廣者開黃花結子粒如芥長郡蘿蔔形橢圓且碩大但性辣質硬土人云地脈使然

白菜 一名菘有春菘有晚菘本草最肥大者曰牛肚菘凌冬不彫四時常有根盤結不可食莖扁而厚葉薄大拱抱高矮不等高大者一株可數十觔本境白菜莖葉粗大味亦濃厚其脆嫩不及內地

蔓菁 一名蕪菁一名葍一名湏根大而白莖葉一如蘿蔔味辛含甜質食用與

蘿蔔同

茄子 株幹高三四尺葉大如掌開紫花有蒂蒂包爲茄茄大有瓢瓢有子生熟

皆可食有紫青白各色紫者形圓而小殊鮮嫩青白者形長而大不及紫色之美王氏農書一種渤海茄色白而實堅最肥大本境所種形長大而色白種與渤海茄相類

南瓜 附地蔓生莖纏而空葉大而綠引蔓甚繁一蔓可延十餘丈節節有根近地卽著開黃花結瓜有花而不實者其結實者先實後花花後而瓜益長大大者可十數觔煮飯作羹味甜淡不可生食種出南番故又名番瓜

北瓜 一名倭瓜蔓生形類哈密種自倭國來故名長白此瓜最多食用與南瓜同

黃瓜 一名胡瓜張騫使西域得來此種故名又名王瓜以其爲瓜中之首見者也蔓生莖葉類南瓜而柔細開小黃花瓜形橢長附瓜有刺如針質脆嫩多汁漿瓜有長數寸者有長一二尺者愈小而味愈佳長屬地寒發生較遲味仍脆美生食熟食皆可並可用鹽漬留以御冬

肉

綱目性味甘溫補中益氣秋深冬月堪食白臆豹文者不可食炙之不動見水而動暴之不燥者並傷人同雉鮑蝦蒲等味並食發惡瘡禮云食鹿去胃頭肉作膠彌良兼治消渴夜夢鬼物蹄肉治諸脚風膝骨疼痛不能履地專用鹿蹄以氣感也

脂

綱目主治癰腫頭風活四肢通腠理

髓
腦

綱目性味甘溫治丈夫女子傷中絕脈補陰強陽生精益髓腦潤面澤肌刺入肉不出敷之半日即愈

精

綱目主治益虛羸補勞損古方有鹿峻凡取精配合者也大起虛羸瘵危取精

之法以牡隔檻誘之以牝欲合不得精自流溢鋪以蕉葉盛以磁器收而藏之入滋補劑絕上品也

血

時珍曰大補虛損益精血解痘毒及藥毒

腎
膽

綱目味甘平補腎壯陽入補劑良羸弱者可用膽綱目苦寒時珍曰主治消腫散毒

靨
皮

綱目治氣瘕酒炙乾再入酒中含嚙其汁皮時珍曰燒灰和豬脂傅一切漏瘡

胎
經驗良方治經久不產乾濕糞各三錢研末薑湯冲服立效並解諸毒

瀕湖綱目於鹿全身諸條發明惟胎之主治少畧拾遺另例鹿胎一條詳辯可
采錄出以補其遺凡胎中鹿其嘴尾蹄跖與生鹿無異色淺形瘦若色深形肥
者爲麋胎慎勿誤用能損真陽若瘡胎與鹿胎相類但色皎白且其下唇不若
鹿之長於上唇也其他雜獸之胎與鹿總不相類真者氣味甘溫補陽益精大
助真元近世補劑彌重之

乳餅

茗陰札記孝豐深山產鹿土人計其產子時夜伺洞測鹿乳子必五更乳畢出
洞至暮方歸每日乳小鹿一次食乳於腹十二小餅每一時消餅土人俟母鹿
出洞卽取乳鹿而歸剖腹出餅持貨他方價值兼金餅式如雲南棋子大色微
黃久乾作老黃色腥氣最烈食之大能強陰起命門衰火於老羸虛損怯弱最
宜發小兒痘漿通女子血勞乳餅綱目失載前或未發明不以爲珍品攷拾遺
載乳餅一條姑誌之以廣傳聞今長郡亦未聞以乳餅貨也

脛骨

綱目鹿條詳列鹿骨指全體而言至脛骨不聞有用法令時醫有班龍散純取脛骨此藥去毒生肌收口甚速惟煨研時以黃色爲度如焦黑則過性無用矣此條採諸拾遺

麋

詳見本志綱目謂麋肉甘溫補五臟之氣時珍則謂鹿以陽爲體其肉性煖麋以陰爲體其肉性寒觀此則別錄之麋脂痿陽孟詵云麋肉弱房及角肉不同功用之說亦此意也妊婦尤不可食至麋脂辛溫主治癰腫惡瘡四肢攣拘及骨治虛勞皮除脚氣引諸方書未悉驗否今備採之以資考證

茸

採亦有時收藏修治同於鹿茸綱目性味甘溫時珍曰主治陰虛勞損筋骨腰膝一功酸痛其功勝於鹿茸古方重之

角

綱目甘熱滋陰養血與茸同功備要云鹿陽獸喜居山麋陰獸喜居澤麋似鹿色青而大性皆淫一牡輒交十餘牝鹿補陽麋補陰故夏至鹿角解冬至麋角解也詵鹿茸角罕能分別雷斅曰鹿角勝麋角而孟麋蘇恭蘇頌並云麋角麋膠勝於鹿獨時珍謂鹿補右腎精氣麋補左腎血氣揭千古之微秘發前人未發之理足以破醫家之聚訟也

麋

詳見本志綱目載麋肉甘溫補益五臟釀酒並有祛風之功正誤據孟詵云麋中往往得香如栗大不能全香亦治惡病時珍曰麋無香有香者皆麋類俗稱麋為香獐是也今並正之

麝香

麝見本志爾雅名射父時珍曰俗呼香麝其香在臍見人捕之自行剔出其香

是爲生香猶難得其香聚處草木皆黃市人或攙荔枝核僞之忌蒜不可近鼻防蟲入腦與苜相類香中以當門子爲猶良性味辛溫遠竄開經絡通諸竅凡用麝香不可太過以香烈入髓耳長人所獵麝臍歲約束錢二十串蓋麝以內省西地南方者良遼產次之

野豬

詳見本志綱目肉味甘平治癩癰腸風瀉血久痔臘月鍊脂冲服令婦多乳除風腫治疥癬膽治毒瘡及小兒疳症齒燒灰敷毒蛇咬頭骨主治邪瘴積年下血外腎連皮燒灰存性治崩中帶下瀉血血淋皮燒灰塗鼠瘻惡瘡豬黃生膽中三年始成亦不常有性味甘平主治金瘡止血生肌祛惡毒小兒癩癰血痢疰病肝病客忤天吊等症功用頗多獵人往往忽之

山羊血

山羊詳見本志綱目載山羊肉性味甘熱治筋骨急強虛勞冷勞山嵐瘴痢婦

油功效頗著綱目失載近世多用推行甚廣

豺

詳見本志綱目豺肉酸熱有毒皮治冷痺軟脚纏之即愈燒灰酒服治疔症及腹中瘡症

狼

詳見本志綱目謂狼肉鹹熱無毒填骨髓祛積冷時珍曰狼牙佩之避惡研服治獾犬傷聖惠良方謂服喉磨治噎病皮避邪惡去頭風正要尾避邪外臺糞療治癩千金方屎中骨止小兒夜啼經驗良方治破傷風各方雜見他書未悉驗否長屬獵得者取皮售之歲值約八百金

脂

拾遺云狼性追風逆行其糞燒烟逆行而上燒灰水服治骨鯁性逆行而無阻滯也狼脂摩風首而本草不錄亦一欠事周禮冬獻狼取其膏聚也綱目狼膏

下瀕湖僂據正要載其潤燥澤肌塗惡瘡而已不知其大功在驅逐風邪散逆結之氣何可昧也故急補之原爲之發明曰入風膏能除積久之風痺和酒服能散逆結之滯氣

兔

詳見本志綱目肉辛平補中益氣孟詵曰酸冷時珍曰甘寒宏景曰妊婦忌食不同芥食藏器曰不可久食死而眼合不可食惟八九三月食之爲宜崔元亮海上方治消渴羸瘦藥性小兒臘月食兔醬稀豆瘡時珍曰解熱毒利大腸綱目謂血鹹寒主涼血和血解胎中熱毒催生易產腦髓塗痘瘡滴耳聾催生滑胎骨治內熱消渴霍亂吐痢鬼疰瘡疥刺風頭風味甘酸平連毛燒灰和酒治頭眩癩疾婦人難產餘血不下產後陰脫煮汁治小兒疳痢消渴並敷癰疾惡瘡皮毛燒灰治難產胎衣不下餘血搶心用臘月收者良諸方綱目博採羣書兼收並載未悉驗否惟兔肝明目經汪氏昂發明確然有效備要未載肉血

皆有功用想他方亦非無據云

明月砂

備要即兔糞主治殺蟲明目勞瘵五疳痘後生翳立可見效近世醫家益重之
獺

詳見本志綱目謂獺肉甘酸而寒療疫氣除瘟病治婦科骨蒸血勞宏景曰不可同兔肉食腎益男子膽治眼疾髓去癥痕骨下魚鯁並止嘔吐獺足治手足皴裂研末酒服並殺勞蟲皮毛煮汁飲利水癢病糞敷魚臍瘡神效服之治下痢獺之全條惟肝功用甚大備要深爲發明茲特條列於後以廣功效

肝

綱目甘溫有毒甄權曰鹹熱無毒備要甘鹹而溫蘇頌曰獺肉五臟皆寒惟肝獨溫益陰補虛殺蟲止嗽治傳尸鬼疰有神功疰症有三十三種變至九十九種傳染滅門古方獺肝丸主治尸疰鬼疰獺肝一月一葉其間又有退葉他獸

肝皆有葉數惟獼猴肝獨異瀆於獼身取下者乃真不爾多僞

獼猴

援也俗作猿詳見本志綱目謂猿肉酸平無毒唐慎微曰釀酒治風勞作脯治久瘡時珍曰食之避瘴疫頭骨治瘡瘻鬼瘡手治小兒驚癩口噤屎治小兒臍風撮口急驚塗蜘蛛咬皮治高瘟

經

拾遺猴經入藥名申紅深山羣猴聚處極多覓者於草間得之紫黑成塊夾細草屑母猴月水乾成治乾血勞極良時珍曰猴經粘草馬食之則百病不生故畜馬者畜母猴未言治他症諸書未詳今據拾遺探而出之以廣功用

貂鼠

爾雅翼曰松鼠好食粟土人名松狗按許氏說文貂鼠尾大黃黑色出丁零國今高麗遼東多有之大者如獼尾粗毛深寸許蔚而不耀飾爲裘帽風領得風

更暖濯水不濡得雪卽消拂面如燄拭眵卽出亦奇物也拾遺云燒貂鼠尾存性敷凍瘡卽愈綱目惟載其肉甘平無主治皮毛拭目眵塵沙而遺尾之功用故爲補之長人售灰鼠皮者甚夥貨貂鼠皮者勘住長半歲只見其二大如水獺行甚遠想所產亦無多也

鱗介昆蟲部

蛇退

綱目名龍退本經名龍子衣性鹹平而甘無毒甄權曰有毒備要鹹甘無毒避邪惡治鬼魅蠱毒而善祛風治驚癩風瘧喉風殺蟲一切瘡瘍腫毒妊婦忌用遼產諸蛇悉不入藥卽蛇退亦來自南方惟土人得蛇退售諸市中藥人亦間用之取色白如銀者良

眞珠

綱目甘鹹性寒諺云上已有風梨有蠹中秋無月蚌無珠其質感水精而孕故

能制火入心肝二經鎮心安魂墜痰去翳一切瘡毒收口生肌功效極良藥中上品也滿洲自古產珠惟長屬一帶無多亦尠巨者故採得亦無定值云

蜂蜜

備要蜜以白膏良聚草木菁英合露氣以釀成生涼清熱熟溫補中甘解毒柔潤燥除百病和百藥與甘草同功多食滑腸泄瀉與中滿者忌之遼省頗多售諸內省

黃蠟

綱目甘溫無毒備要云止痛生肌療下痢續絕傷按蠟皆蜂釀而成一經煎洗蜜味至甘蠟味至淡故言無味者謂之嚼蠟入藥亦良品也

絲瓜 通雅架而垂生莖細葉綠瓜長尺餘名曰紡絲瓜按本境此瓜有長至三四尺可熟時不可生食

菜瓜 北方名苦瓜蔓生瓜味淡脆可入菜品色青而形長有白紋界之如溜並可生食

冬瓜 俗名東瓜蔓生經霜後皮白如粉塗故本草亦名白瓜亦菜瓜之類也
葱 一名茺本草草中有孔故字從孔初生曰葱針葉曰葱青衣曰葱袍莖曰葱白根曰葱鬚清異錄云葱名和事草言用以調和衆味若藥劑中多用甘草以和解之也味辛無毒爲用甚廣長屬所產較齊豫諸省其味少遜

韭 說文一種而久穫因謂之韭象形在一之上者地也又名嬾人菜以其不須歲種故名叢生豐本長葉青翠莖名韭白根名韭黃花名韭菁均可食其味辛其性溫補長白韭甚肥大皆夏種秋食冬則根死地寒故也

芥 芥菜味辣可作俎冬月食者呼爲臘菜俗名辣菜性溫無毒莖葉似葱而有

毛花黃而味香子小而色紫根葉皆可食子粒可研末泡爲芥醬

蒜 一名葫以來自番中又稱胡蒜栽種苗生葉如蘭莖如葱根盤結分瓣如水
仙苗心起苔名曰蒜苔皆可食味辛解毒有百益而不利於眼食多者恒得眼
疾

菠菜 一名菠斯草一名赤根菜一名鸚鵡菜莖柔脆中空葉細膩直出一尖傍
出兩尖似鼓子花葉之狀而稍長大色甚綠而味頗清腴愈嫩愈佳老則由中
心起苔高尺餘開碎白花叢簇不顯而分雄雌者結實有刺狀如蒺藜雄者不
結實此物至南省經霜雪味尤美長地苦寒諸物不能耐冬

蘆萎 許氏說文萎作痿本草云卽香萎又名胡萎莖青而柔葉細而花根軟多
鬚味清香可通心竅和脾胃大有將之作用

薇 一名野豌豆一名大巢菜本草項氏曰巢菜有大小二種大者卽薇乃野豌豆
豆之不實者爾雅薇垂水注生於水邊疏似藿羣芳譜生麥田及原隰中按薇

菜莖葉氣味皆似豌豆作蔬入羹皆宜

蕨 陸璣詩疏山菜也周秦曰蕨齊魯曰脾齏雅狀如大雀拳足又如其足之蹶也故謂之蕨俗云初生亦類鼈脚故曰鼈長白山中處處有之初生時拳曲狀如兒拳長則寬展如雉尾高三四尺莖嫩時無葉採來加以熱湯去其涎滑曬乾作疏味甘滑肉煮甚美薑醋拌食亦佳其根色微紫類薇而細亦救荒之野菜也

同蒿 一名蓬蒿以形氣相同故名莖葉肥綠甘脆滑膩起苔高二尺餘開花深黃色狀如單瓣菊花一花結子百十粒成毬宜水地最易繁茂

芹 一名水英一名楚葵爾雅楚葵注今水中芹菜羣芳譜有水芹旱芹水芹生江湖陂澤之涯旱芹生平地有赤白二種本境芹菜多生山上土人呼爲野芹其苗滑澤其莖有節有稜而中空其葉對節而生採取用鹽醋拌食最佳氣清芬醒人眉目解鬱悶之氣乃菜中之雅品也

地豆 一名朱萼 一名番萼 羣芳譜所謂甘萼是也 蔓生莖葉延十數丈節節生根其根撲地如山藥甘芋之類形圓而長肉紫皮白質理膩潤氣味甘滑可以益氣力健脾胃此物耐寒易生遼東種者極多土人用以煮飯及蒸食名爲地豆從俗也

披辣 莖葉與蘿蔔等而紛披撲地不可食可食者惟根形圓色白味辣質硬不及蘿蔔之甘脆土名披辣或即蕪菁之別種歟

雲豆 蔓生開紫花結莢長者至四五寸嫩時炒食煮食均可子色黎黑而大如拇指煮飯食甚美較扁豆眉豆之屬肥而大土人名爲雲豆亦不知種自何來拾遺記樂浪之東有融澤生挾劍豆其莢形似人挾劍橫斜而生羣芳譜謂挾劍豆即刀豆長白古樂浪所產雲豆故類此

瓜果類

西瓜 蔓生葉尖而花花後結實味甘多液胡嶠陷虜記云嶠征回紇得此種故

名西瓜本草云可解暑氣故夏令人多食之有用其皮瓢雜入醬豉中味殊甘
美瓜子亦果品以子大而仁滿者佳長白節候不齊熟時已及秋中形質較內
省少小而味亦稍遜云

甜瓜 一名甘瓜性寒滑不宜多食以甜而脆者爲佳可生食未能熟食亦蔓生
莖葉與黃瓜相彷彿

松子 本草蘇頌曰松歲久則實中原雖有不及塞上之佳馬志曰海松子狀如
小栗三角其仁香美東夷當果食李時珍曰海松子出遼東及雲南其樹與中
國松樹相同惟五葉一叢者毳內結子如巴豆大而有三稜至馬志謂如小栗
殊失本體按長白松樹樹極多而結子頗少土人云惟紅松結子形如蓮子仁
極香脆

榛子 樹低小如荊叢生而枝幹疏落質頗堅硬開花如櫟花成條下垂長二三
尺葉之狀如櫻桃多皺文邊有細齒子形如栗子殼厚而堅仁白而脆味甘香

無毒其皮軟者其中空諺曰十榛九空長屬盛產此味每歲三倍於松子

山梨 野生即詩所謂甘棠也北人謂之杜梨南人謂棠梨爾雅注疏云其在山之名曰櫛人植曰梨長白此樹多生山上土人謂之山梨其樹如梨而小葉似榛子葉而大亦有圓者三叉者邊皆有踞齒色黪白結實如棟子霜後可食但味頗酸澀少汁且梨小而子大此其野生之本質然也如用佳種接之當可化莠爲良云

木類

松 群芳譜松百木之長猶公故字從公磔斲多節盤根樛枝皮麤厚望之如龍鱗四時常青不改柯葉三針者爲栝子松七針者爲果松又有赤松白松鹿尾松秉性尤異按長境森林松居多數土人象形命名率無所考然皆具有取義其色黃而有文者謂之黃花松色白而有光彩者謂之白松膠多味惡名爲臭松質堅色赤名爲紅松最上等而少見者爲石砧中所出抱松此松堅硬如金

石有紋盤旋如刺繡其枝曲其針短其體幹微小不過拱把之大蓋生於嵯峨山半間爲巉巖怪石所障蔽鬱不得伸如槁如槁如死灰幾無生理仰賴春雨秋陽之涵滋變而爲偃蹇奇特之靈質名爲抱松取其爲山石拱抱曠世挺生而非木之本性也此外如樛松沙松赤柏松魚鱗松五葉二葉各松皮相懸擬名色亦別云

柞 釋名即鑿木以其木堅細可爲鑿柄陳藏器曰柞木生南方今之作梳者是也李時珍曰此木山中往往有之高者數丈其木及葉皆針刺經冬不彫五月開碎白花不結子木理堅細色微白皮味苦辛無毒入藥品長地此木高十數丈大而且多松樹之外柞木占一部分焉

椴 皮厚質堅葉最大有類團扇者羣芳譜云其皮可以當麻取製魚網牢固異常本境椴木大者數圍其作用不亞於松有用皮葺房以代瓦者

樺 樺木似山桃皮上有紫黑花可燃作燭炬樺古作檣李時珍云畫工以皮燒

煙熏紙又云樺木生遼東及臨洮諸地其木色黃有小斑點皮厚而輕匠家用襪鞞裏及刀靶之類謂之煖皮其皮并可入藥品性溫煖無毒

楸

本草李時珍曰即梓之大者也生山谷間與梓樹本同末異爾雅椅梓郭璞注即楸也詩云北山有楸陸璣注疏謂楸即楸江東人謂之虎梓或謂苦楸齊民要術以白色有角者爲角楸又名子楸黃色無子爲椅楸又名荊黃楸俱以子之有無爲別按此樹長白土人名刺楸皮色黃白上有斑點高十數丈木溼時甚脆乾時則堅可爲什器

榆

一名零本草榆莢飄零故曰零榆一名蘊莖爾雅注即今之刺榆羣芳譜榆有數種今人不能別惟知莢榆白榆刺榆榔榆而已其木堅細末葉時枝上生瘡纒纒成串及開則爲榆莢嫩時色青老時色白形圓如小錢故又名榆錢中有仁微苦葉長尖似山茱萸葉長地榆樹枝幹灣曲無甚偉大者

柳

本草柳一名小楊一名楊柳陳藏器曰江東人通名楊柳北人都不言楊李

時珍曰楊枝硬而揚起故謂之楊柳枝弱而垂流故謂之柳蓋一物而二種也按柳樹易生之木折枝植地顛倒皆生俗云倒植則枝條下垂謂之楊柳亦不盡然其樹於天氣稍煖則生柔荑層層鱗起如粟之附穗老則敗落散而爲絮性質宜水不耐乾燥木理細膩柔脆未能經久蓋其生長最速故也長地嚴寒木質之堅不及南省柳質尤遜

黃楊 木質細緻頗難生長每歲只長一寸閏月年反縮一寸謂之厄閏爾雅謂桐與芡菰皆厄閏不獨黃楊其葉圓大而有尖光潤而厚色青微黃未葉先花纍然如柳絮但長大色成紅紫其老而落也亦如柳絮之弱不禁風羣芳譜云取楊木應於陰晦夜無一星時取之木方不裂本草楊木堅細作梳剜印最良抱馬子樹 木理堅硬入土不朽以火炙之砰然有聲如爆竹葉似桃柳葉色微黑土人謂其葉味香微苦可作茶曰抱馬子亦從俗名之也

荊 本草杜荊又名黃荊又名小荊李時珍曰古者刑杖用荊故字從刑按荊叢

生而疏作科不作蔓枝節堅勁葉如麻開花成穗紅紫色結子如胡荽子落地即生多有採荊作薪者詩云錯薪束楚即此也

棘 棘心赤而外有刺其刺有直者有彎曲成鈎者枝幹花葉俱如棗結實形圓而小味甘而酸俗名酸棗叢生成科其木頗堅長境多山此物最夥耳但屈曲未易成材山間陌上往往有之

夜光木 樹老根朽水浸之久夜則有光土人謂之夜光木或曰雷擊木潮溼處多有之河邊尤夥

花類

冰花 地凍初開天氣稍煖此花翹楚羣芳挺然開放單瓣短鬚狀類杭菊赤日當午則槁早晚獨盛爲時不久未見其子其根盤結多毛莖色青紫高五六寸弱不禁風長境盛產此花土人名爲冰凌花按與欸冬花之賦性相同而形質異